



# DOMOWINA

## Jednanski porjad Zwjazkowego předsydstwa Domowiny za wólbnu dobu 2021-2025

### § 1

#### **Powšitkowne zasady džěławosće**

1. Zwjazkowe předsydstwo Domowiny nawjeduje džěto třěšneho zwjazka mjez hłownymi zhromadźiznami.
2. Zestawa, nadawki a kompetency zwjazkowego předsydstwa rjaduja artikl 9, wotrězki 1 - 8 wustawkow Domowiny.
3. Zwjazkowe předsydstwo spjelnja swoje nadawki z
  - rjadnymi a wurjadnymi posedženjemi,
  - džětom prezidija po §12 tutoho porjada,
  - analytiskim a koncepcionelnym předdžětom džětowych wuběrkow a skupinow,
  - koordinaciju a integraciju cyłnarodneho džěta we wothłosowanju z předsydstwami,
  - sobudžětom sobustawskich župow a towarstwow kaž tež z druhimi zwjazkarjami,
  - skutkowanjom kóždeho jednotliwego čłona zwjazkowego předsydstwa w swojim towarstwje a w zjawnosći,
  - aktiwnym zjawnostnym džětom wo zaměrach třěšneho zwjazka a wo položanju a zajimach serbskeho ludu.
4. Zwjazkowe předsydstwo schadźuje so po artiklu 9, dypk 7 wustawkow Domowiny znajmjeńša štyri króc wob lěto. Nimo toho zwoła so kóžde lěto klawturne posedženje. K tomu so lětny plan džěławosće nastaji, kotryž nimo terminow tež městnosć a wobsahowe ćežišća posedženjow postaji.

### § 2

#### **Nadawki zwjazkowego předsydstwa**

1. Zwjazkowe předsydstwo ma po artiklu 9 dypki 4 do 6 wustawkow Domowiny slědowace nadawki:
  - rozsudzić wo prašenjach běžneho džěta Domowiny mjez hłownymaj zhromadźiznomaj,

- postajeć ćežišća dźěławosće a rjadować zawjazowace zamołwitosće za zwoprawdženje nadawkow,
- přijimać prawidłownje rozprawy předsydy a prezidija Domowiny,
- postajeć zamołwitosće a nadawki prezidija,
- rjadować wobsydstwo a financy Domowiny,
- přijimać a schwalić financne a hospodarske plany a rozprawy,
- wutworić dźěłowe wuběrki,
- přijimać rozprawy hłowneho jednaćela wo dźěle zarjada Domowiny a postajić ćežišća dźěła zarjada,
- postajeć ćežišća dźěławosće Domowinje přisłušacych institucijow a wotrjadow,
- přijimać rozprawy nawodow Domowinje přisłušacych institucijow a wotrjadow,
- nachwilnje přijimać nowe towarstwa do Domowiny,
- nachwilnje rozsudzić wo nošerstwach dalšich institucijow abo wotrjadow pod třěchu Domowiny,
- powołać a wotwołać resp. nominować zastupjerjow Serbow do/z gremijow a přijimać prawidłownje rozprawy wo jich dźěławosći,
- wobzamknýć dźěłowe porjady Domowinskeho zarjada a Domowinje přisłušacych institucijow a wotrjadow,
- powołać a wotwołać nawodow Domowinje přisłušacych institucijow a wotrjadow,
- powołać a wotwołać hłowneho jednaćela a jednaćela Domowiny,
- wobzamknýć wuznamjenjenske porjady Domowiny, kiž njejsu z wobstatkom tutych wustawkow, a wolić člonow mytowanskeho wuběrka.
- namjetować hłownej zhromadźiznje po doporučanju změrcowskeho wuběrka wo wotwołanju člona zwjazkowneho předsydstwa z wólbneje funkcije
- rozsudzić na zakładže doporučanja změrcowskeho wuběrka wo přikazanym nachwilnym wotpočowanju funkcije člona
- rozsudzić wo přiwzaću nachwilneho złoženja wólbneje funkcije na zakładže podaća swójskeje wole

2. Dalše nadawki zwjazkowneho předsydstwa su:

- přihłosować namjetej wo změnje městneho plana struktury zarjada abo wotrjadow Domowiny
- přihłosować namjetej wo přistajenju abo pušćenju sobudźěłaćerja wyše zaslužbneje skupiny 11 tarifa TV-L
- přihłosować jednotliwym inwesticijam wyše 10.000 €
- přihłosować nakupej abo předaću imobilijow

### § 3

#### Posedženja zwjazkowneho předsydstwa

1. Wuradźowanja zwjazkowneho předsydstwa su po artiklu 9, dypk 8 wustawkow Domowiny zjawne. Wuradźowanja zwjazkowneho předsydstwa měli po župnych

teritorijach pućować. Nowinski rěčnik Domowiny informuje medije tydzeń do posedźenja wo wobsahach zjawneho dźěla posedźenja.

Zjawny dźěl posedźenjow wusyła so jako livestream do syće, jeli techniske móžnosće na městnosći wuradźowanja to dowola.

Livestreamy posedźenjow maja znajmjeńša lěto přistupne być.

Zarjad Domowiny ma trěbne techniske wobstejnosće rjadować.

2. Wuradźowanje dźěli so po potrebjce do zjawneho a njezjawneho dźěla.  
Zjawny a njezjawny dźěl posedźenja matej so w namjeće za dnjowy porjad wupokazać.
3. Personalne prašenja maja so w kóždym padže w njezjawnym dźělu wuradźowanja a w njeprítomnosći potrecheneho wobjednać.
4. „Nuprašowanja čłonow Domowiny a hosći k serbskim naležnosćam“, „rozprawa předsydy a čłonow zwjazkowneho předsydstwa wo dźěławosći třěšneho zwjazka mjez posedźenjoma zwjazkowneho předsydstwa“, „informacija k aktualnym aspektam dźěławosće zarjada Domowiny a Rěčneho centruma WITAJ“ a „aktualna debata čłonow zwjazkowneho předsydstwa“ měli stajny wobstatk posedźenja być.
5. Čłonojo zwjazkowneho předsydstwa maja prawo, temy za „aktualnu debatu“ hač do 3 dźěłowych dnjow do posedźenja zwjazkowneho předsydstwa na zarjad Domowiny pisomnje zapodać. Wo dalšich a pozdžišich namjetach smě so we wotwisnosći časowych móžnosćow na městnje posedźenja rozsudzić.
6. Nimo toho smě kóždy čłon zwjazkowneho předsydstwa do schwalenja dnjowneho porjada próstwu wo wuzamknjenje zjawnosće při wobjednanju wěsteho dypka dnjowneho porjada stajić. Wo próstwje wothłosuje so po § 7 wotrězki 7 do 9.
7. Čłonojo zwjazkowneho předsydstwa su winowaci, wo wšitkich w njezjawnym dźělu posedźenja wobjednanych naležnosćach mjelčeć.
8. Rjadne posedźenja zwjazkowneho předsydstwa zwoła předsyda Domowiny na zakładže schwaleneho lětneho plana dźěławosće.
9. Wurjadne posedźenje zwoła so wot předsydy po pisomnym žadanju znajmjeńša štwórciny čłonow zwjazkowneho předsydstwa, třoch towarstwow abo prezidija (hlej wustawki Domowiny artikl 9, dypk 7). Wone ma so w běhu dweju tydźenjow přewjesć.
10. Přeprošenje z namjetom za dnjowy porjad a předłohami zjawneho dźěla posedźenja ma kóždy rjadny čłon zwjazkowneho předsydstwa najpozdžišo 7 dnjow do wuradźowanja dóstać. Jeli sej to adresat přeje, móža so jemu podložki tež digitalnje sposrědkować.  
Wo naležnosćach, kiž njejsu w připóstajnym namjeće za dnjowy porjad zapisane, smě

so jenož potom wuradzować a rozsudzić, hdyž njeda so naležnosť přestorčić a zwjazkowe předsydstwo wobjednanju přihtosuje.

11. Přeprošenja z předłohami dóstawaja tež hłowna jednaćelka a jednaćel, nawodnica Rěčneho centruma WITAJ, jeje zastupjer a referenca zarjada Domowiny. Podložki zjawneho džěla posedženja smětaj tež dóstać předsydzje rewizijneho a změrcowskeho wuběrka, hdyž wo to prosytaj. Samsne płaći za županow a předsydow sobustawskich towarstwow, kiž njesu z čonom zwjazkowego předsydstwa.
12. Podložki njezjawneho džěla posedženja dóstanu wosoby po § 5 dypk 11.
13. Posedženja zwjazkowego předsydstwa přewjedu so zasadnje realnje na postajenej městnosći. Wobsteji móžnosť digitalneho wobdžělenja, dalokož je to technisce móžne (hybridne posedženje).
14. W padže situacijow, kotrež schadźowanje na městnje njezmóžnja, smědža so posedženja na zakładze artikla 6 wotstawk 5 wustawkow Domowiny wirtuelnje přewjesć (wirtualne posedženje). Wo přewjedženju wirtuelneho posedženja ma zwjazkowe předsydstwo abo prezidij rozsudzić.
15. Čłonojo zwjazkowego předsydstwa a dalši postajeni wobdžělnicy dóstanu z pomocu wosebiteje legitimacije přistup k hybridnym abo wirtuelnym posedženju. Předsyda abo zarjad Domowiny wozjewi z wosebitej mejlku najpozdžišo tři hodžiny do toho přistup, kotryž jeniče za wotpowědne posedženje płaći.

## § 4

### Nawjedowanje posedženjow

1. Posedženja nawjeduje předsyda, w padže jeho zadžěwanja městopředsydaj. Za wobjednanje jednotliwych dypkow dnjoweho porjada móže prezidij druhich zamołwitych zasadzić.
2. Předsyda a městopředsydaj tworja posedženski prezidij. Nawoda posedženja konsultuje so we wažnych prašenjach nawjedowanja posedženja a dodžerženja wustawkow Domowiny kaž tež jednanskeho porjada zwjazkowego předsydstwa z dalšimaj čłonomaj posedženskeho prezidija. Wonaj mětoj nawodže posedženja ze swójskeho wida na předpisane postupowanje skedźbnić, je-li trěbne. Hewak jeho při nawjedowanju posedženja podpěrujetaj.
3. Nawoda posedženja ma slědowace nadawki:
  - posedženje zahajić a přitomnych powitać,
  - přizjewić, zo so wotběh zjawneho džěla posedženja natoči a zo njesu žane dalše natočenja dowolene,
  - přizjewić, zo so zjawny džěl posedženja digitalnje jako livestream do syće wusyla,
  - přitomnosť a zamołwjenja zwěsćić,

- wobzamknjenjakmanosć zwěšćić,
- zajatosć zwěšćić,
- wo dnjowym porjedže wothłosować dać,
- diskusiju k jednotliwym dypkam nawjedować a z wobsahowym rezimejom zakónčić,
- konkretny tekst wobzamknjenja do wothłosowanja předčitać resp. posłowny namjet za wobzamknjenje sformulować abo přeformulować,
- wo předłohach a druhich namjetach k wobzamknjenju wothłosować dać,
- rezultat wothłosowanja zwěšćić (tři kategorije: za namjet/za naraženje, přećiwo namjetej/pšešiwo naraženju a so hłosa wzda/so głosa wzda),
- přiwrzaće abo wotpokazanje namjeta zwěšćić,
- wo wokolnym abo listowym wothłosowanju naležnosće rozsudzić dać,
- wo wjacorych čitanjach wěstych předłohow rozsudzić dać,
- wo wotsadženju dypkow dnjoweho porjada resp. wo wróćodaću předłohow k dalšemu wobdžětanju w prezidiju abo džěłowych wuběrkach rozsudzić dać,
- porjadny wotběh posedženja na zakładže jednanskeho porjada zawěšćić a domowe prawo wukonjeć,
- wo wobsahach k wozjewjenju w medijach rozsudzić dać a
- posedženje zakónčić.

## § 5

### Wobdžělenje na posedženjach

1. Čłonojo zwjazkowego předsydstwa su winowaci, so na posedženjach wobdžělić. W padže zadžěwanja su winowaci, předsydu abo sekretariat zarjada Domowiny do posedženja wo tym informować.
2. Čłonojo zwjazkowego předsydstwa smědža so digitalnje na posedženju wobdžělić. Tole ma so do posedženja pisomnje připowědźić.
3. Lisćina za wupłaćenje posedženskich pjenjow płaći zdobom jako lisćina přitomnosće. Kóždy čłon zwjazkowego předsydstwa zapisa so ze swojim podpismom do lisćiny přitomnosće a wupjelni lisćinu za zarunanje jězbných wudawkow, jeli spjelni k tomu trěbne wuměńjenja po płaćiwym rjadowanju.
4. Digitalne wobdžělenje zapisa předsyda do lisćiny přitomnosće.
5. Čłon zwjazkowego předsydstwa, kotryž chce posedženje dočasnje wopušćić, ma to nawodže posedženja zdžělić.
6. Po artiklu 9, dypk 3 wustawkow Domowiny mataj so hłowna jednaćelka a jednaćel na posedženjach zwjazkowego předsydstwa z poradźowacym hłosom wobdžěleć. Samsne přiwrjechi za nawodnicu Rěčneho centruma WITAJ a jeje zastupjerja, tematizuja-li so kubłansko-politiske prašenja. Nowinski rěčnik, referentka za

naležnosće třěšneho zwjazka a referentka za gremijowe a ministerialne naležnosće so tohorunja na posedženjach wobdžěla.

7. Předsyda rewizijnego wuběrka kaž tež předsyda změrcowskeho wuběrka mataj po artiklu 9, dypk 3 wustawkow Domowiny prawo, so na wuradźowanjach zwjazkowneho předsydstwa z poradźowacym hłosom wobdžěleć.
8. Zastupjer Domowiny we FUEN-prezidiju ma prawo, so z poradźowacym hłosom na posedženjach zwjazkowneho předsydstwa wobdžěleć.
9. K zjawnym posedženjam ma kóždy zajimc přistup. Zajimcy pak nimaja prawo, do jednanjow zapřimnyć abo wotběh posedženja mylić.
10. W padže wirtuelneho posedženja po § 3 dypk 14 tutoho jednanskeho porjada njeje tajki přistup móžny. Hosćo maja móžnosć so do posedženja za dnjowy dypk „Nuprašowanja člonow Domowiny a hosći k serbskim naležnosćam“ přizjewić.
11. Na njezjawnym dźělu wobdžěla so čtonojo zwjazkowneho předsydstwa, hłowna jednaćelka a jednaćel, referentka za naležnosće třěšneho zwjazka, referentka za gremijowe a ministerialne naležnosće kaž tež protokolantka / protokolant ze zarjada. Rjadowanja § 7, dypk 13 nastupajo zajatosće maja so dodžeržeć. Jeli sej maćizna předwidžaneho dypka to žada, smědža so dalše wosoby na njezjawny dźěl přeprošyć.

## § 6

### Wobdželenje na diskusiji

1. Čtonojo zwjazkowneho předsydstwa a prezidija, hłowna jednaćelka, jednaćel a wobdžělnicy po § 5 dypki 4 do 6 tutoho porjada, kaž tež přeprošeni hosćo maja prawo, so słowa jimać, hdyž jim nawoda posedženja słowo přepoda. Kóždy diskutant měł so jenož dwójce k samsnej naležnosći wuprajić. Słowo so po rjedže přizjewjenjow přepodawa. Wo rěčenskim prawje njeprošenych hosći rozsudži posedženski prezidij.
2. Člon zwjazkowneho předsydstwa, kiž chce k jednanskemu porjadej porěčeć, přizjewi to ze zběhnjenjom wobeju rukow. Wón dóstanje potom hnydom słowo.
3. Hdyž wuprajitej so žadanje abo namjet k wothłosowanju, smětej zasadnje jedyn člon zwjazkowneho předsydstwa za to a jedyn přećiwo tomu rěčeć. Potom so wothłosuje.
4. Rěčny čas móže so wot posedženskeho prezidija po potrebnosći wobmjezować. Hdyž so hižo k wěcy njerěči, ma nawoda posedženja prawo, rěčnikej słowo sćazać.
5. Jednanski porjad dowola člonam zwjazkowneho předsydstwa w běhu posedženja sćěhowace namjety:
  - wróćenje naležnosće do prezidija, do dźěloweje skupiny resp. do dźěloweho wuběrka abo na Domowinski zarjad, zo by so předłoha k tomu přihotowała resp. předležaca předłoha so předžěłała,

- wotsadźenje naležnosće z dnjoweho porjada resp. přestorčenje wobjednanja,
  - wokolne wothłosowanje po posedźenju, ručež předleži předžětany namjet za wobzamknjenje,
  - zakónčenje diskusije k naležnosći,
  - wothłosowanje wo předloze resp. wo namjeće k wobzamknjenju,
  - přetorhnjenje abo zakónčenje posedźenja,
  - wuzamknjenje zjawnosće,
  - žadanje za tajnym wothłosowanjom abo za wothłosowanjom po mjenje,
  - naprašowanje wěcywustojnych wosobow a
  - přepodaće połnomocy k doskónčnemu rozsudej prezidijej, předsydže abo zarjadej Domowiny.
6. Čłon zwjazkowneho předsydstwa, kotryž je so k diskusiji přizjewił a njeje zakónčeneje diskusije dla wjacje słowo dóstał, smě swój přinošk pisomnje předsydže zapodać. Přinošk so protokolej připožži.
7. Do wothłosowanja wo předlohach a namjetach za wobzamknjenje smě kóždy čłon zwjazkowneho předsydstwa wosobinske wujasnjenje wotedać. K tomu přepoda jemu nawoda posedźenja po wotpowědnym přizjewjenju słowo. Tajke wosobinske wujasnjenje smě jenož poprawa wopačnych wuprajenjow abo wotwobaranje wosobinskeho nadběha wobsahować.

## § 7

### Wothłosowanja a wobzamknjenja

1. Po artiklu 6, dypk 3 wustawkow Domowiny je zwjazkowe předsydstwo kmane k wobzamknjenju, hdyž je wjacje hač połojca jeho člonow přitomna.
2. Namjet je přiwarzaty, hdyž je wjetšina přitomnych hlasakmanych za namjet hlasowała, dalokož njeje to w tutym porjedze abo we wustawkach hinak postajene. Při samsnej ličbje hlasow za abo přećiwo namjetej je namjet wotpokazany.
3. K wothłosowanju dóstanje kóždy čłon hlasowanske kartki (zelenu kartku z napismom "za namjet/za naraženje", čerwjenu kartku z napismom "přećiwo namjetej/pšešiwu naraženju" a bětu kartku z napismom "so hlas wzdam/so glosa wzdam").
4. Wotedate hlas digitalnje přizamknjenych člonow zwěsći nawoda posedźenja z pomocu wobrazowki. Za čas wothłosowanja a wuličenja dyrbi wosoba, kotraž wothłosuje, na wobrazowce widžeć być. Jeli njeje wosoba widžeć abo njeda so wotedaty hlas přirjadować, so tutón njeliči.
5. Namjet k wobzamknjenju dyrbi pisomnje abo ertnje jasnje sformulowany być, prjedy hač so wo nim wothłosuje. Wo kóždym namjeće so jednotliwje wothłosuje.

Hdyž předleža wjacore namjety k wobzamknjenju nastupajo samsnu naležnosť, potom wothłosuje so najprjedy namjet, kiž po wobsahu najbóle wotpowěduje zaměrej wobzamknjenja.

6. Signalizuje-li jedne sobustawske towarstwo z pisomnym wopodstatnjenjom w předpolu posedženja k namjetej za wobzamknjenje sylne wobmyslenja, ma so předsydstwo tutoho towarstwa do wothłosowanja słyšeć. Słyšenje předsydstwa tutoho towarstwa so přewjedže w zwjazkowym předsydstwje.
7. Wothłosuje so zasadnje zjawnje ze zběhnjenjom hłosowanskeje kartki.
8. Hdyž sebi to jedyn člon zwjazkowego předsydstwa žada, potom so po mjenje abo tajnje wothłosuje.  
Předležitej wobaj namjetaj, potom so tajnje wothłosuje.  
Při wothłosowanju po mjenje předčita nawoda posedženja mjena wotpowědneho člona zwjazkowego předsydstwa, kiž dyrbi potom wuprajić, hač wón "za namjet" abo "přećiwo namjetej" hłosuje resp. so hłosa wzda. To so we wotpowědnej lisćinje dokumentuje a protokolej přida.  
Člonojo zwjazkowego předsydstwa, kiž njesu wobzamknjenju při hłosowali, smědža sej žadać, zo so to w protokolu naspomni.
9. Wokolne resp. listowe wothłosowanja zwonka posedženjow su móžne. Wo tym ma zwjazkowe předsydstwo abo prezidij rozsudzić.
10. Hdyž so wuměňjenja za płaćiwe wobzamknjenja zasadnje změnja, móže so wotpowědne prašenje znova w zwjazkowym předsydstwje wobjednać. Při tym ma so wo tym rozsudzić, hač so dotalne wobzamknjenje zběhnje.
11. Wólby a personalne rozsudy přewjedu so w tajnym wothłosowanju. Smě so zjawnje wolić, hdyž njeje žadyn člon zwjazkowego předsydstwa přećiwo tomu.  
Wolena je zasadnje wosoba, kotraž dóstanje wjace hač počtu hłosow wšitkich člonow zwjazkowego předsydstwa.  
Při wjacorych mjenach na jednym wólbny m lisćiku, su člonow wuzwoleni, kotřiž su po rjedže najwjac hłosow dóstali. Při runosći hłosow ma so wuša wólba přewjesć. Woleny je potom tón, kiž docpěje we wušej wólbje wjetšinu hłosow.
12. Tajne, listowe wólby su móžne. Wo tym ma zwjazkowe předsydstwo abo prezidij rozsudzić.
13. Člonojo zwjazkowego předsydstwa njesmědža so na wobjednanju a schwalenju naležnosćow wobdźělić, hdyž móže wobzamknjenje jim wosobinsce, jich swójbny m resp. při wuznym přenjeho stopjenka abo institucijam, kiž woni juristicke zastupuja, bjezposrědne lěpšiny abo njelěpšiny přinjesć.  
Potrjecheny člon zwjazkowego předsydstwa dyrbi sam swoju zajatosć do wobjednanja wotpowědneje naležnosće přizjewić. Wón smě so w padže zjawneho



džěla posedženja k hosćom sydnyc, w padže njezjawneho džěla pak dyrbi posedžensku rumnosć wopušćić.

Hdyž wobsteja dwěle na zajatosći resp. njezajatosći, potom rozsudži so w njeprítomnosći potrjecheneho.

To samsne płaći za wšitkich dalších prítomnych abo digitalnje prítomnych.

## § 8

### Protokol zjawneho džěla posedženja

1. Wo kóždym zjawnym posedženju zdžěta so protokol wobzamknjenjow. Jako pomocny srědk za protokolowanje zjawneho džěla posedženja wužiwa so natočenje.
2. Protokol zjawneho džěla ma wobsahować:
  - termin, městnosć, započatk a kónc wuradźowanja,
  - mjeno nawody/nawodow zeńdženja,
  - prítomnosć čłonow a hosći,
  - dnjowy porjad,
  - čísla a titule wobjednanych předłohow,
  - wobzamknjenja z formulaciju namjeta, z wuslědkom wobhłosowanja a z běžnym číslom tuteje wólbneje doby,
  - nadawki, kiž su so druhim gremijam přepodali,
  - wosobinske stejišćo, hdyž sej to čłon zwjazkoweho předsydstwa žada a
  - teksty rozprawow k bytostnym naležnosćam jako přidawk k protokolej.
3. Čłonojo zwjazkoweho předsydstwa a jeho stajni hosćo dóstanu w běhu jednoho tydženja po posedženju na digitalnym puću naćisk protokola a smědža k protokolej pokiwy abo korektury zapodać. Doskónčny naćisk přepoda so z podložkami za přichodne posedženje.
4. Županojo a předsydzja sobustawskich towarstwow dóstanu protokol k informaciji, hdyž njesu z čłonom zwjazkoweho předsydstwa a wo to proša.
5. Protokol so na přichodnym zjawnym wuradźowanju zwjazkoweho předsydstwa schwali a spjelnjenje wobzamknjenjow so kontroluje.

## § 9

### Protokol njezjawneho džěla

1. Wo kóždym njezjawnym posedženju zdžěta so wuslědkowy protokol. Jako pomocny srědk za protokolowanje njezjawneho džěla posedženja smě so natočenje wužiwać, kotrež ma so po wopodstatnjenju protokola zničić.
2. Wobzamknjenja njezjawneho džěla maja so ze separatnym běžnym číslowanjom protokolować ("n" před číslom).
3. Wobsteji móžnosć jednotliwe wuprajenja po słowje do protokola přewzać.

4. Protokol njezjawneho wuradźowanja so w zarjedže Domowiny składuje.
5. Sobustawam zwjazkowneho předsydstwa a změrcowskeho wuběrka ma so na žadanje protokol pod dohladom w zarjedže přistupnić.
6. Protokol njezjawneho dźěla schwali so na přichodnym posedženju zwjazkowneho předsydstwa. K tomu so dokument jako čišćana wersija na městnje přitomnym wudźěli, so z mjenom přijimowarja woznamjeni, so čita, wobjedna, schwali a so zaso hromadži.

## § 10

### Předłohi

1. Předłohi do zwjazkowneho předsydstwa smědža zapodać:
  - prezidij,
  - předsyda a městopředsydaj Domowiny,
  - čłonojo zwjazkowneho předsydstwa,
  - dźělowe wuběrki resp. dźělowe skupiny kaž tež
  - rewizijny a změrcowski wuběrka Domowiny a
  - předsydstwa sobustawskich župow a towarstwow.
 Předłohi smě tež zarjad Domowiny a Rěčny centrum WITAJ zapodać.
2. Předłohi zdźělaja so, hdyž so trěbnosć wobjednanja wotpowědného prašenja ze stron wolenych gremijow třěšneho zwjazka, předsydstwow sobustawskich župow a towarstwow kaž tež zarjada Domowiny zwěsći, hdyž zwjazkowe předsydstwo wotpowědny nadawk wobzamkne abo posedženski plan zwjazkowneho předsydstwa to předwidži.
3. Předłohi měli so zasadnje prezidijej k předwobjednanju přepodać, zo by móht zwjazkowemu předsydstwu doporučenje k doskónčnemu wobjednanju předłohow přepodać. Referentka za naležnosće třěšneho zwjazka rjaduje, čisťuje a spřistupni, resp. wozjewi předłohi we wothłosowanju z prezidijom.
4. Za přihotowanje předłohow ma so wosebity formular wužiwać (hlej přiložka).  
 Kóždy předložka dóstanje swoje čisło (běžne čisło + lětočisło).  
 Předłohi, kiž so w prezidiju na zakładže § 6, dypk 5, smužka 9 abo § 12, dypki 2, 4 abo 5 tutoho jednanskeho porjada dorozsudža, dóstanu před běžnym čisłom přidawk "P".  
 Předłohi, kotrež so w zwjazkowym předsydstwje doskónčnje wobjednawaja a schwala, dóstanu přidawk "ZP".  
 Wobě družinje předłohow so separatnje ličitej a składujetej.  
 Wopodstatnjenje za namjet k wobzamknjenju přida so we wotpowědnej přiložce.

5. W předłohach, kiž služa jenož k informaciji, zapisa so do rubriki "Namjet za wobzamknjenje" pasus, zo so informacija na wědomje bjerje.
6. Financne wuskutki wobzamknjenjow maja so mjenować a zarjad Domowiny mět financujomnosć do wobjednanja w prezidiju pruwować a z podpismom hłowneje jednaćelki, jednaćela abo referenta za hospodarske a infrastrukturelne naležnosće wopodstatnić.
7. Hdyž so w běhu jednanjow zwjazkowneho předsydstwa wotchilacy namjet k wobzamknjenju sformuluje, potom zapisa so nowa formulacija do přehlada předłohow.

## § 11

### Wutworjenje džělowych wuběrkow

1. Zwjazkowe předsydstwo abo prezidij wutworitej po potrebjce k analytiskemu a koncepcionelnemu wobdžětanju naležnosćow džělowe wuběrki. Kóždy wuběrk mět ze znajmjeńša 5 wosobow wobstać, wjetšina z nich měta być z čłonom zwjazkowneho předsydstwa. Postaja so zestawa a nawoda džěloweho wuběrka, jeho naměstnik, po wobsahu přisłušny zamołwity zarjada, wobsahowe zaměry džělawosće a doba skutkowanja.
2. Wuběrki maja prawo, stajić próstwu wo juristisku poradu na prezidij.
3. Za wotběh posedženjow džělowych wuběrkow płaća w zasadze postajenja jednanskeho porjada zwjazkowneho předsydstwa wotpowědnje. Wuradžowanja wuběrkow su zasadnje njezjawne. Wuwzaća su móžne.  
Čłonom zwjazkowneho předsydstwa a prezidija je přistup w kóždym času móžny.
4. Protokole wuradžowanjow džělowych wuběrkow dóstanu nimo wuběrkownikow tež čłonojo prezidija. Čłonojo zwjazkowneho předsydstwa smědža sebi protokole požadać.
5. Jako čłonojo džělowych wuběrkow móža so nimo čłonow zwjazkowneho předsydstwa a prezidija dalši zastupjerjo župow a towarstwow kaž tež fachowcy powołać. Woni podleža samsnemu rjadowanju dowěrliwosće kaž čłonojo zwjazkowneho předsydstwa.
6. Wuběrki rozprawjeja zwjazkowemu předsydstwu abo prezidijej prawidlownje wo rezultatach a džělawosći swojeho skutkowanja a předpołoža wotpowědne namjety jako předłohi k wobjednanju a schwalenju.
7. Předsydzka wuběrkow smědža na zakładze naprašowanjow medijow abo po swójskim rozsudze wuběrkownikow zjawnosć k tematiskim čěžišćam njezjawnych posedženjow wuběrkow informować. Při tym ma so wobkedźbować, zo ma so

jednać wo powšitkowne informacije džěławosće wuběrkow, nic pak wo naćiskach, kiž ma zwjazkowe předsydstwo dodiskutować a wobzamknýć.

## § 12

### Prezidij

1. Po artiklu 10, dypk 1 wustawkow Domowiny słušeja do prezidija předsyda Domowiny, jeho městopředsyda a dalšej čłonaj zwjazkowego předsydstwa, kotrejuž na namjet předsydy zwjazkowe předsydstwo powoła.
2. Po artiklu 10 dypkaj 3 a 4 wustawkow Domowiny postaji zwjazkowe předsydstwo slědowace zamołwitosće prezidija:
  - a. přihotować wobsahowje posedženja zwjazkowego předsydstwa,
  - b. poradźować zwjazkowe předsydstwo we wobsahowych a wažnych organizatoriskich prašenjach a k tomu předpožić trěbne předłohi,
  - c. poradźować předsydu Domowiny w jeho běžnej džěławosći,
  - d. wutworić w nadawku zwjazkowego předsydstwa nachwilne džěłowe skupiny resp. wuběrki a jich džěło koordinować,
  - e. koordinować běžnje džěławosć zarjada Domowiny a Rěčneho centruma WITAJ a přijimać k tomu trěbne informacije,
  - f. přihotować hłowne zhromadźizny Domowiny a nawjedować wudźěłanje rozprawy wo zwoprawdženju nadawkow džěłowych směrnicy zwjazkowego předsydstwa a
  - g. rozsudzić wo slědowacych prašenjach:
    - chwattnje trěbne stejišća Domowiny k naćiskam prawnskich předpisow a k aktualnym prašenjam,
    - stejišća Domowiny k předewzaćam regionalneho planowanja,
    - delegowanje kulturnych skupin w nadawku Domowiny, projekty kulturneje wuměny a słužbne jězby čestnohamtskich zastupjerjow Domowiny do wukraja,
    - koncepty za róčnicy a jubileje,
    - naprawy w zwisku z wobhospodarjenjom imobilijow Domowiny,
    - nadawki k prawniskej poradze Domowiny,
    - kónčna redakcija za stejišća, rezolucije, memorandumy a podobne wozjewjenja Domowiny, kiž so w zjawnosći rozšěrjeja (brošurki, stejišća, rezolucije, memorandumy a podobne).
    - wobdźělenje Domowiny na projektach druhich nošerjow,
    - koncepty za wopomnjenske dny,
    - z běžneje džěławosće třěšneho zwjazka wotwodžene nadawki za džěłowe wuběrki zwjazkowego předsydstwa.

3. Zwjazkowe předsydstwo informuje so na kóždym posedženju wo dźěławosći prezidija a dóstanje pisomny přehlad rozudow posedženjow prezidija z podložkami za swoje přichodne posedženje.
4. Posedženja prezidija su zasadnje njezjawne. Čłonojo zwjazkowego předsydstwa smědža so na posedženjach wobdźeleć. Čłonojo zwjazkowego předsydstwa maja prawo, prezidijej namjety za wobjednanje naležnosćow zapodać.
5. Dźěławosć prezidija rjaduje wosebity jednanski porjad, kiž zwjazkowe předsydstwo schwali.

### § 13

#### **Winowatosće čłonow zwjazkowego předsydstwa**

1. Nimo aktiwneho wobdźělenja na posedženjach zwjazkowego předsydstwa ma čłon zwjazkowego předsydstwa wosebite winowatosće napřečo župje resp. towarstwu, kotraž/kotrež je jeho za wólby do zwjazkowego předsydstwa nominowała/o. Wón ma předsydstwo župy resp. towarstwa prawidłownje wo jeho skutkowanju informować, předłohi w předpolu posedženjow z nimi diskutować, wobzamknjenja zwjazkowego předsydstwa rozkłaś a jich přesadjenje podpěrować.
2. Wobzamknjenja su za kóždoho čłona zwjazkowego předsydstwa jenak zwjazowace. Žadyn čłon zwjazkowego předsydstwa nima po wotumje wjetšiny gremija prawo, přesadjenje wobzamknjenjow blokować a napřećiwnje aktiwity přewjesć.
3. Hdyž zwjazkowe předsydstwo postaji, zo njesmě so wo wěstych prašenjach zjawnje informować, ma kóždy čłon gremija winowatosć k mjelčenju. Tuta winowatosć wobsteji hač do wuwjazanja na zakładze rozsuda zwjazkowego předsydstwa. Winowatosć k mjelčenju płaći bjez wobmjezowanja za personalne daty.
4. Kóždy čłon zwjazkowego předsydstwa je k aktiwnemu zjawnostnemu dźělu namołwjeny.

### § 14

#### **Zjawnostne dźěło**

1. Zjawnosć a žurnalisća přeprašuja so z nowinskim wozjewjenjom a z nawěškom na zjawne wuradźowanja zwjazkowego předsydstwa.
2. Dnjowy porjad zjawneho dźěla so najpozdžišo 3 dźěłowe dny do posedženja w serbskej a němskej rěči w interneće wozjewi.
3. Podložki zjawneho dźěla posedženja wozjewja so w zapodatej rěči tohorunja najpozdžišo 3 dźěłowe dny do posedženja na internetnej stronje Domowiny. Z toho

wuwzatej stej rozprawa předsydy a rozprawa prezidija Domowiny. Wo dalšich wuwzaćach smětaj zwjazkowe předsydstwo a prezidij rozsudzić.

4. Wobzamknjenja zjawneho dźěla posedženjow zwjazkowego předsydstwa maja so w běhu jednoho tydženja na internetnych stronach Domowiny wozjewić.
5. Po posedženju zhotowi nowinski rěčnik medijowe wozjewjenje wo hłownych ćežiščach a wuslědkach zeńdženja.  
Po wothłosowanju z jednym člonom prezidija posrědkuje so tute redakcijam, člonam zwjazkowego předsydstwa a dalšim zajimowanym adresatam.  
Zdobom ma so wone na internetnej stronje Domowiny wozjewić.
6. Rozsudy interneho resp. dowěrliwego razu, kotrež njesmědža so wozjewić, so na posedženju konkretnje pomjenuja.

Dalokož so w tutym jednanskim porjedže funkcije a pomjenowanja po muskim abo žónskim splahu wopisuja, měni so z tym runohódnje žónski a muski splah.

*Jednanski porjad zwjazkowego předsydstwa za wólbnu dobu 2021-2025 schwali so na posedženju zwjazkowego předsydstwa dnja 19.11.2021 a nabudže z tym płaćiwosć.*

*Wudospołnjenje w § 5, wotstawkaj 6 a 11 wobzamkny so na posedženju zwjazkowego předsydstwa dnja 25.03.2022 w Slepom.*

Příloha 1 – předloha**DOMOWINA****Předloha č. ZP .../...****za ... (rjadne) posedženje Zwjazkowneho předsydstwa Domowiny dnja ... w ...****Zapodačel/-ka předlohi:****Awtor/-ka předlohi:****Nastupa (předmjet wuradźowanja):**Slěd wobjednanja předmjeta předlohi:

gremij resp. organ Domowiny	datum	wuslědk wuradźowanja resp. doporučenje

**Namjet za wobzamknjenje:****Zwjazkowe předsydstwo Domowiny wobzamkne:****Tekst wobzamknjenja.**

datum:

.....  
podpismo zapodačelaFinancne wuskutki wobzamknjenja: zjimanje/wopisowanje finančnych wuskutkowFinancujomnosć je so pruwowała: (datum a podpismo jednaćelstwa, resp. referenta)Wuslědk wothłosowanja:

za namjet:

přećiwo namjetej:

hłosawzdače/a:



# DOMOWINA

**Předłoga cysło ZP .../.....  
za ... (pórédne) pósejženje Zwězkowego předsedarstwa Domowiny  
dnja ..... w .....**

---

**Zapódař předłogi:**

**Awtor předłogi:**

**Nastupnosť (předmjat wobradowanja):**

Slěd wobjadnanja předmjata předłogi:

gremij resp. organ Domowiny	datum	wuslědk wobradowanja resp. dopóručenje

**Naraženje za wobzamknjenje:**

**Zwězkowe předsedarstwo Domowiny wobzamknjo:**

datum:

.....  
pódpismo zapódarja

Financne wustatkowanja wobzamknjenja:

Financujobnosť jo se pšepytowała: (datum a pódpismo referenta resp. jadnarja)

Wuslědk wótgłosowanja:

za naraženje:

pšešiwu naraženju:

głosa zdžaržanje/-i/-a::



Příloha 2 – časowe doby gremijow



**DOMOWINA**

**Rjadowanja w jednanskimaj porjadomaj Zwjazkowego předsydstwa Domowiny a jeho prezidija nastupajo časowe doby.**

Čas	Naprawa	Žórto
7 dnjow do posedženja P	Podložki maja so do póšty dać.	
5 dnjow do posedženja P	Maja podložki čtonam prezidija předležec.	§ 5 (10) JP-P
9 dnjow do posedženja ZP	Podložki maja so do póšty dać.	
7 dnjow do posedženja ZP	Podložki maja čtonam ZP předležec.	§ 3 (10) JP-ZP
	Podložki so za čtonow Zwjazkowego předsydstwa přez cloud k dispoziciji staja.	§ 3 (10) JP-ZP
tydzeń do posedženja ZP	Informacije na medije wo zjawnym džělu posedženja	§ 3 (1) JP-ZP
hač do 3 džěłowe dny do posedženja ZP	Móžnosć za čtony Zwjazkowego předsydstwa, temy za “aktualnu debatu” zapodać.	§ 3 (5) JP-ZP
hač do 3 dny do posedženja ZP	Dnjowy porjad posedženja ZP so serbsce a němsce w interneće wozjewi.	§ 14 (2) JP-ZP
	Podložki zjawneho džěla posedženja wozjewja so na internetnej stronje Domowiny. Z toho wuwzatej stej rozprawa předsydy a rozprawa prezidija Domowiny.	§ 14 (3) JP-ZP
hač do 3 hodžiny do posedženja	Zwjazkowemu předsydstwu ma so link k posedženju sprosředkować.	§ 3 (15) JP-ZP
do posedženja	Čtonojo Zwjazkowego předsydstwa maja zarjad Domowiny abo předsydu wo zadžětanju informować.	§ 5 (1) JP-ZP
	Čtonojo Zwjazkowego předsydstwa maja digitalne wobdžělenje přizjewić.	§ 5 (1) JP-ZP
<b>Posedženje Zwjazkowego předsydstwa</b>		
do schwalenja dnjoweho porjada	Čton zwjazkowego předsydstwa smě próstwu wo wuzamknjenje zjawnosće při wobjednanju wěsteho dypka dnjoweho porjada stajić.	§ 3 (6) JP-ZP
po posedženju	Nowinski rěčnik zhotowi medijowe wozjewjenje wo hłownych ćežiščach a wuslědkach zeńdženja. (posrědkowanje z mailku a na internetnej stronje)	§ 14 (5) JP-ZP
tydzeń po posedženju	Protokol so čtonam ZP a hosćom zjawneho džěla digitalnje sprosředkuje.	§ 8 (3) JP-ZP
	Wobzamknjenja zjawneho džěla posedženja maja so na internetnych stronach wozjewić.	§ 14 (4) JP-ZP
lěto po posedženju	Znajmjeńša lěto ma livestream spřistupny być.	§ 3 (1) JP-ZP